

## Март

### 16/1 Мучеников Памфилия пресвитера и иже с ним (307-309).

№60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: вет орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене, Христос Юмо, мемнан чоннам утаре.

Кондак, глас 4

Господьын шке кумылын орланышыже-влак, те кап верч лўдын огыл, а орлыкым куанен чыташ ямдылалтын да, тыге курымашлык чапым налында. Подвигдам моктышо-влак верч эре кумалза.

Величание

Тендам моктена, тендам моктена, Христосын орланышыже святой Памфилий да пеленже индыралтше-влак, да Христос верч орланымыдам пагален шарнена.

### 17/2 Великомученика Феодора Тирона (ок.306).

Тропарь, глас 2

Святой орланыше Феодор ўшанымаш подвигом ончыктен, тулышто тудо лыпландарыше вўдыштö улмо гай куанен: вет пўтынек йўлен да Святой Троицылан шере кинде семын кондымо лийын. Тудын молитваж дене, Христос Юмо, мемнан чоннам утаре.

Кондак, глас 8

Кугун орланыше Феодор, Христослан ўшанымашым шўмышкет авыртыш гай налын, тый ваштареш шогышо вийым пытаренат да сенаш лийдыме ен семын курымешлан Пылпомышысо венец дене венчаялтынат.

Величание

Тыйым моктена, тыйым моктена, святой орланыше Феодор, да Христос верч орланыметым пагален шарнена.

### 18/3 Святителя Льва, папы Римского (461).

№91 Тропарь, глас 8

Чын ўшанымашке виктарыше, поро койыш-шоктышлан да яндарлыклан туныктышо, сандалыкын волгыдыжо, архиерей-влакын Юмын пуымо сылнылыкше, кугу уш-акылан Лев ачана, шўм-чонин семўзгарже, тый туныктымашет дене чыла волгалтаренат, мемнан чоннам утарыже манын, Христос Юмым сөрвале.

Кондак, глас 3

Священствын престолыштыжо улмет годым тый лев гай ен-влакын умшаштым петыренат, чот пагалыме Святой Троице нерген Юмын пуымо туныктымашын тулжо дене шке кўтўэтым волгалтаренат, садлан кōра Юмын порылыкшын кугу тайныжым палыше семын чапланенат.

Величание

Тыйым моктена, тыйым моктена, святитель Лев ачана, тыйым пагален шарнена, вет тый мемнан верч Христос Юмынам сөрвалет.

### 19/4 Апостолов от 70-ти Архиппа и Филимона и мученицы равноапостольной Апфии (I).

## №40 Тропарь, глас 3

Святой апостол-влак, мемнан чонлан сулык касарымашым пуыжо манын, чаманыше Юмым сөрвалыза.

## Кондак Архиппу, глас 4

Архипп ачана, тый Черкылан кугу шүдыр гай улат, да öрыктарыше пашатын волгыдыж дене волгалтын, тудо сөрвала: тыйым ұшан дене шарныше-влакым утаре.

## Величание

Тендам моктена, тендам моктена, святой апостол Архипп ден Филимон да апостол-влак дене төр улшо Апфий, шке туныктымыда дене уло тўням сотемдаренда да тўнян чыла ужашыжым Христос деке конденда.

**20/5 Преподобного Льва, епископа Катанского (ок.780).**

## №43 Тропарь, глас 4

Вашталташ лийдыме Чынлык тыйым шке күтүэтлан ұшанымашын корныжым, ұнышылыкын тўсшым да языкыш пурыде илаш туныктышым ыштен, сандене тый ұнышылыккет дене – күшнысым, йорлылыккет дене поянлыкым погенат. Святой Лев ачана, мемнан чоннам утарыже манын, Христос Юмым сөрвале.

## Кондак, глас 8

Эре шарныме да чот поро пиалан ачана, Черкылан тый кече деч чот волгалтарыше волгыдо улат, шке молитват дене тудым яндарын арале, чыла шояк туныктымашым сеныже да чактарыже.

## Величание

Тыйым моктена, тыйым моктена, святитель Лев ачана, да тыйым пагален шарнена, вет тый мемнан верч Христос Юмынам сөрвалет.

**21/6 Преподобного Тимофея в Символех (795).**

## №46 Тропарь, глас 1

Мемнан ачана-шамычын Юмыжо, мемнам шке ұнышылыккет дене кучен ашныше, шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

## Кондак, глас 4

Чудым ыштыше чот поро пиалан Тимофей, эрвел гыч волгыдо шүдыр гае волгалтын, öрыктарыше пашатын порылыкшо дене ұшаныше-влакын шўмыштым яндарештенат.

## Величание

Тендам моктена, тендам моктена, святой Тимофей ден Евстафий ачана-влак, тендам пагален шарнена, вет те мемнан верч Христос Юмынам сөрваледа.

**22/7 Обретение мощей мучеников, иже во Евгении (395-423).**

## №60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене мемнан чоннам утаре.

## Кондак, глас тойже

Юмын орланышыже да Святой Троице верч чот шогышо-влак, чынын волгыдыжо семын мландымбалне волгалтын, шояк туныктымашын пычкемышыжым чактареда да ўшаныше-влакым Юмын шомак дене волгалтареда.

Величание

Тендам моктена, тендам моктена, Евгенийыште орланыше святой-влак, да Христос верч орланымыдам пагален шарнена.

**23/8 Священномученика Поликарпа,  
епископа Смирнского (167)**

№ 64 Тропарь, глас 4

Юмылан йöрышö священномученик Поликарп, койыш-шоктышет дене апостол да нунын престолыштым кучышо лийынат, пашат дене ужмаш кўкшытыш шуынат, сандене мутын чынжым раш увертарен, ўшанымаш верч вўр марте орланенат. Мемнан чоннам утарыже манын, Христос Юмым сөрвале.

Кондак, глас 1

Кугу уш-акылан Поликарп, мутетын саскажым, порылыкын надыржым Господьлан конденат, сандене Юмо тыйым, пагалыме священникым, чапландарен. Мутет дене ушнам волгалтарен, таче тыйым пагален шарена да Юмым моктен мурена.

Величание

Тыйым моктена, тыйым моктена, священномученик Поликарп, да тыйым пагален шарнена, вет тый мемнан верч Христос Юмынам сөрвалет.

**Обретение мощей Матроны Московской**

Тропарь, глас 2

Таче ме, ўшаныше-влак, поро пиалан да Юмын пуымо ушан Матрона аванам, Тула мландеш пеледшым да Москвам сылнын сöрастарышым, моктена. Кече волгыдым палыде, тудо Христосын волгыдыжо дене волгалтын, вошт ужмаш да паремдымаш порылык дене пойдаралтын. Мландымбалне кусныл илен коштын, кызыт Пылпомышысо полатыште Юмын Престолжо ончылно шога да мемнан чонна верч кумалеш.

Кондак, глас 7

Христослан служитлаш аватын көргыж гычак ойырен налме, орлык да ойго корно дене каен, пенгыде ўшанымаш ден поро койыш-шоктышым ончыктен, тый Юмылан йöренат. Сандене тыйым порын шарнена да сөрвалена: поро пиалан чын илыше Матрона авана, мыланнат Юмын йöратымаште лияш полшо.

Величаний

Тыйым моктена, тыйым моктена, чын илыше святой Матрона авана, мемнан верч Христос Юмым сөрвалыметлан моктена.

**24/9 Первое (IV) и второе (452) обретение главы  
Иоанна Предтечи.**

Тропарь, глас 4

Предтечын вуйжо мландымбалне волгалтын да ўшаныше-влаклан паремаш волгыдыжым колта. Христос Юмым пырля мокташ манын, кўшыч тудо суксо-влакым волта, ўлнӧ айдеме тукумым ўжеш.

Кондак, глас 2

Юмын пророкшо да порылыкын Предтечыже, тыйын вуетым мландымбалне ме священный шуанвондо пеледыш семын муынна да тудын деч пареммашым эре налына, вет сулыкым касараш тўняште эн ончыч тый туныктенат.

Величание

Мемнам Утарышым тынеш пуртышо Иоанн, тыйым моктена, тыйын пагалыме вуетым муын лукмым моктена.

Припев

Господь деч ончыч толшо кугу святой Иоанн, мемнан верч Юмым сӧрвале.

### **25/10 Святителя Тарасия, архиепископа Константинопольского (806).**

№43 Тропарь, глас 4

Вашталташ лийдыме Чынлык тыйым шке кўтўэтлан ўшанымашын корныжым, ўнгышылыкын тўсшым да языкыш пурыде илаш туныктышым ыштен, сандене тый ўнгышылыккет дене – кўшнысым, йорлылыккет дене поянлыкым погенат. Святой Тарасий ачана, мемнан чоннам утарыже манын, Христос Юмым сӧрвале.

Кондак, глас 3

Православный туныктымашым Черкылан умылтарен, Христосын иконыжым порын пагалаш да тудлан кумалаш чылаштым туныктенат, юмонга ваштареш шогышо-влакын йӧрдымӧ шояштым почынат, сандене тылат мурена: кугу уш-акылан да поро пиалан Тарасий ачана, йывырте.

Величание

Тыйым моктена, тыйым моктена, святитель Тарасий ачана, да тыйым пагален шарнена, вет тый мемнан верч Христос Юмынам сӧрвалет.

### **26/11 Святителя Порфирия, архиепископа Газского (420).**

№43 Тропарь, глас 4

Вашталташ лийдыме Чынлык тыйым шке кўтўэтлан ўшанымашын корныжым, ўнгышылыкын тўсшым да языкыш пурыде илаш туныктышым ыштен, сандене тый ўнгышылыккет дене – кўшнысым, йорлылыккет дене поянлыкым погенат. Святой Порфирий ачана, мемнан чоннам утарыже манын, Христос Юмым сӧрвале.

Кондак, глас 2

Юмын пуымо ушан, поро пиалан Порфирий, священный койыш-шоктышет дене сылнештын, священникын вургемже дене волгалтынат, мемнан верч чарныде кумалын, паремден нӧлталме дене сылнештет.

Величание

Тыйым моктена, тыйым моктена, святитель Порфирий ачана, да тыйым пагален шарнена, вет тый мемнан верч Христос Юмынам сӧрвалет.

### **27/12 Преподобного Прокопия Декаполита, исповедника (ок.750).**

№ 51 Тропарь, глас 8

Прокопий ачана, шинчавўд йогынет дене ир мландым нӧртенат да чот ойгырен шортмет дене паша саскатым шўдӧ пачаш шукемденат, чудо-влакет дене волгалтын,

сандалыкым волгалтарыше лийынат, мемнан чоннам утарыже манын, Христос Юмым сөрвале.

Кондак, глас 4

Пылпомышын тайныжым палыше чот пагалыме Прокопий, Черке таче тыйым эр ўжара семын акла да осал туныктымашын чыла пычкемышыжым поктен колта.

Величание

Поро пиалан улметым моктена, Юмылан йөрышө Прокопий ачана, тыйым пагален шарнена, вет тый монах-влакым виктарыше да суксо-влак дене мутланыше улат.

**28/13 Преподобного Василия исповедника (750).**

№ 50 Тропарь, глас 1

Көргыштет Юмым нумалше Василий ачана, тый ир мландыште илыше, капет дене Суксо гай да чудым ыштыше лийынат. Пүтым кучен, йөд-кече кумалын, молитвам лудын, пылпомышысо суапым налынат. Тый черле-влакым да тый декет ўшанен толшо-влакын чоныштым эмлет. Тыланет пенгыдылыкым Пуышылан чап, тыйым венец дене Сөрастарышылан чап, тыйын гоч чылаштлан пареммашым Кондышылан чап лийже.

Кондак, глас 2

Кугу уш-акылан да поро пиалан священный Василий ачана, Юмын Почмашым күшыч налын, арам тургыжланымаш деч корангын, монах лийынат да Юмылан йөрышын иленат, чудым ыштен кертме да черым паремдыме порылыкым налынат.

Величание

Поро пиалан улметым моктена, Юмылан йөрышө Василий ачана, тыйым пагален шарнена, вет тый монах-влакым виктарыше да суксо-влак дене мутланыше улат.

**1/14 Преподобномученицы Евдокии Илипольской  
(ок. 160-170).**

Тропарь, глас 8

Чапланыше да Юмылан йөрышө орланыше Евдокия, чонетым Христосын йөратымашкыже чын шонымаш дене ушен, жаплан пуймо йомшаш моторлыкым коден, Шомакын тунемшыже лийынат: пүтым кучымо дене чон ден капын йодмыжым пытаренат, орланымет дене тушманым вожылмашке луктынат, сандене Христос тыланет чапле венецым пуэн, мемнан чоннам утарыже манын, Тудым сөрвале.

Кондак, глас 4

Чыла моктымо да Юмылан йөрышө орланыше Евдокия, орланымет годым порын чытен, колымекетат мемнам öрыктарыше пашат дене волгалтарет. Юмын черкышкет ўшан дене толына, тыйым йомартлын сөрвален, шөм-чон нелылык деч утлена да порылыкым налына.

Величание

Тыйым моктена, тыйым моктена, святой орланыше Евдокия, да Христос верч орланыметым пагален шарнена.

**2/15 Священномученика Феодота,  
епископа Киринейского (ок 326)**

№64 Тропарь, глас 4

Юмылан йӧрышӧ священномученик Феодот, койыш-шоктышет дене апостол да нунын престолыштым кучышо лийынат, пашат дене ужмаш кӱкшытыш шуынат, сандене мутын чынжым раш увертарен, ушанымаш верч вӱр марте орланенат. Мемнан чоннам утарыже манын, Христос Юмым сӧрвале.

Кондак, глас 3

Святитель Феодот ачана, осал ушанымашын шояжым почын, идоллан кумалмашым чын ушанымаш дене сенген, Юмылан йӧлалтен пуымо жертве лийынат да ӧрыктарыше пашат дене уло тӱням темет. Мыланна кугу чаманымашым пуыжо манын, Христос Юмым сӧрвале.

Величание

Тыйым моктена, тыйым моктена, святой орланыше Феодот, да тыйым пагален шарнена, вет тый мемнан верч Христос Юмынам сӧрвалет.

**3/16 Мучеников Евтропия, Клеоника и Василиска (ок.308).**

№60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сӱмырал шуэныт да ия-влакын тептердыме учыштым шалатеныт. Нунын молитвашт дене мемнан чоннам утаре.

№62 Кондак, глас 8

Юмын орланышыже-влак, волгыдын волгалтарыше лийын, ӧрыктарыше пашада дене чыла чонаным волгалтареда, черым паремден да пич пычкемышым поктен колтен, мемнан верч Христос Юмым чарныде сӧрвалыза

№63 Величание

Тендам моктена, тендам моктена, Христосын орланышыже-влак Евтропий, Клеоник ден Василиск, да Христос верч орланымыдам пагален шарнена.

**4/17 Преподобного Герасима, иже на Иордане (475).**

№49 Тропарь, глас 8

Преподобный Герасим ачана, мыланна Юмын пуымо тӱс тый денет тӱрыс аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шӱлышет Суксо-влак дене пырля куана.

Кондак, глас 4

Герасим ачана, Пылпомышысо верч тыршен йӧлен, Иорданын кукшу мландыжым тӱнясе чыла шере деч сайлан шотленат. Ир янлыкат мутетым колыштын да, чаманен, шӱгарет ӱмбалан колен, тыге тыйым Юмо ончылно чапландарен. Юмылан кумалмет годым мемнамат шарналте.

Величание

Поро пиалан улметым моктена, Юмылан йӧрышӧ Герасим ачана, тыйым пагален шарнена, вет тый монах-влакым виктарыше да суксо-влак дене мутланыше улат.

**5/18 Мученик Конона Исаврийского (I).**

Тропарь, глас 4

Кап дене öрыктарышын яндар, сенгаш лийдыме индыралтше, поро пиалан орланыше да осал ваштареш шогаш властым налше Кононым муро дене моктена да йодына: мемнан чоннам утарыже манын, Христос Юмым сөрвале.

Кондак, глас 3

Орланыше Конон, мландымбалне суксо гай яндарын илымет дене суксо-влак дене мутланаш йöрышö лийынат да Христосым палымашке шке ача-аватым конденат, Кумытло Ик Юмылан үшаныметлан вўр марте орланенат, сандене мемнан верчат Тудым эре сөрвале.

Величание

Тыйым моктена, тыйым моктена, святой орланыше Конон, да Христос верч орланыметым пагален шарнена.

### **6/19 Мучеников 42-х во Амморее (ок.845).**

№60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымышлык венецым налыныт: орландарыше-влакым Тыйын пуымо виет дене сўмырал шуэныт да ия-влакын тептердыме үчыштым шалатеныт. Нунын молитвашт дене мемнан чоннам утаре.

Кондак, глас тойже

Мландымбалне Христос верч орланен, венецым порын нумалаш да Пылпомышто куанен илаш йöренда, тушман-влакын чыла осалыштым шке сусырдан вўржö дене сенен, тендам моктышо-влаклан сулык касарымышым кўшыч пуэн шогеда.

Величание

Тендам моктена, тендам моктена, Амморейыште индыралтше нылле кок святой, да Христос верч орланымыдам пагален шарнена.

### **7/20 Священномучеников, в Херсонесе епископствовавших: Василия, Ефрема, Капитона, Евгения, Еферия, Елпидия и Агафодора (IV).**

№46 Тропарь, глас 4

Мемнан ачана-шамычын Юмыжо, мемнам шке үнышылыккет дене кучен ашныше, шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

Кондак, глас 2

Херсонышто порын тыршыше епископ-влакын волгыдо кечышт шуын, Христосын орланыше пачаже-влакын пайремыштым моктен мурена. Святой орланыше-влак, мыланна пурла могырышто улшо шорык-шамыч дене лияш манын, кўтүчö-влак Вуйлатыше Христосым сөрвалыза, да тыланда ойлена: Христос верч вўрдам йоктарыше священный ача-влак, йывыргыза.

Величание

Тендам моктена, тендам моктена, Христосын святой орланышыже Василий, Ефрем, Капитон, Евгений, Еферий, Елпидий ден Агафодор, да тендам пагален шарнена, вет те мемнан верч Христос Юмынам сөрваледа.

**8/21 Преподобного Феофилакта исповедника,  
епископа Никомидийского (842-845).**

№91 Тропарь, глас 8

Чын Ёшанымашке виктарыше, поро койыш-шоктышлан да яндарлыклан туныктышо, сандалыкын волгыдыжо, архиерей-влакын Юмын пуымо сылнылыкше, кугу уш-акылан Феофилакт, шўм-чонын семўзгарже, тый туныктымашет дене чыла волгалтаренат, мемнан чоннам утарыже манын, Христос Юмым сөрвале.

Кондак, глас 2

Святитель Феофилакт, тўням волгалтарыше волгыдо, тый Юмын Шомак, Ача Юмо да Святой Шўлыш иктак улыт манын, божественный ача-влакын Погынышто туныктенат да Святой Троицылан йўрышў лийынат. Тудын ончылно шогымет годым мемнан верч чарныде кумал.

Величание

Тыйым моктена, тыйым моктена, святитель Феофилакт ачана, да тыйым пагален шарнена, вет тый мемнан верч Христос Юмынам сөрвалет.

**9/22 40 мучеников, в Севастийском озере мучившихся (ок.320).**

Тропарь, глас 3

Севастий олаште Христос верч лўддымын орланыше, тул- вўд вошт эртыше да курымашлык лыпланымашке пурышо нылле святой, Айдемым йўратыше Господьым мемнан верч сөрвалыза: илышнам тынысыште аралыже да чоннам утарыже.

Кондак, глас 6

Господьын поро пиалан нылле орланышыже, тўнясе сарзе тўшкам коден, Пылпомышышто Кучен Ашныше деке ушненда, тул-вўд вошт эртен, Пылпомыш гыч чапым да курымашлык венец ым налында.

Величание

Тендам моктена, тендам моктена, Севастий ерыште орланыше нылле святой, да Христос верч орланымыдам пагален шарнена.

**10/23 Мученика Кодрата и иже с ним (258).**

№60 Тропарь, глас

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене мемнан чоннам утаре.

№62 Кондак, глас 8

Юмын орланышыже-влак, волгыдын волгалтарыше лийын, ўрыктарыше пашада дене чыла чонаным волгалтареда, черым паремден да пич пычкемышым поктен колтен, мемнан верч Христос Юмым чарныде сөрвалыза.

Величание

Тендам моктена, тендам моктена, Кодрат да тудын пелен орланыше святой-влак, да Христос верч орланымыдам пагален шарнена.



**11/24 Святителя Софрония, патриарха Иерусалимского (638-644).**

№43 Тропарь, глас 4

Вашталташ лийдыме Чынлык тыйым шке күтүэтлан ўшанымашын корныжым, ўнғышылыкын түсшым да языкыш пурыде илаш туныктышым ыштен, сандене тый ўнғышылыккет дене – күшнысым, йорлылыккет дене поянлыкым погенат. Святой Софроний ачана, мемнан чоннам утарыже манын, Христос Юмым сөрвалеле.

Кондак, глас 8

Иерусалимын кугу ушан патриархше Софроний, Юмын пуымо тыршымаш дене темын, Черкын негызшым порын пенгыдемдаш чын күштымашым шаренат да тушто улшо монах-влаклан пуэнат, келге шонымашым тўнялан ойленат, тудо туныктымашым налын, тыланет мурена: православный-влакын волгыдо моктымашышт, йывырте.

Величание

Тыйым моктена, тыйым моктена, святитель Софроний ачана, да тыйым пагален шарнена, вет тый мемнан верч Христос Юмынам сөрвалет.

**12/25 Преподобного Феофана исповедника,  
Сигрианского (818).**

№49 Тропарь, глас 8

Преподобный Феофан ачана, мыланна Юмын пуымо түс тый денет түрыс аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шўлышет Суксо-влак дене пырля куана.

Кондак, глас 2

Юмын почмашым күшыч налын, мландымбалысе арам мутланымаш деч йўршын корангынат. Поянлыкым да пелашетым йомдарымеке, шкетын илен, чудым ыштыме да ончык ужын моштымо порылыкым налынат.

Величание

Поро пиалан улметым моктена, Юмылан йўрышў Феофан ачана, тыйым пагален шарнена, вет тый монах-влакым виктарыше да суксо-влак дене мутланыше улат.

***Святаго Григория Двоеслова***

Тропарь, глас 4

Чапым налше Григорий ачана, тый күшыч Юмын порылыкшым налынат да, Тудын вийже дене пенгыдемын, Евангелийын корныжо дене каяш кумылангынат. Поро пиалан ачана, пашат верч пўлекым Христос Юмо деч налынат: мемнан чоннам утараш Тудым сөрвалеле.

Кондак, глас 3

Григорий ачана, тый күтўчў-влакым вуйлатыше Христос гай вўдышў лийынат, пылпомыш кудывечыш монах-шамычым тўшка дене конден, Христосын шорыкшо-влакым Тудын күштымашыжым шукташ туныктенат. Кызыт нунын дене пырля пылпомышысо полатыште куанен йывыртет.

## Величание

Тыйым моктена, тыйым моктена, святитель Григорий ачана, да тыйым пагален шарнена, вет тый мемнан верч Христос Юмынам сөрвалет.

**13/26 Перенесение мощей святителя Никифора,  
патриарха Константинопольского (846).**

№43 Тропарь, глас 4

Вашталташ лийдыме Чынлык тыйым шке күтүэтлан ўшанымашын корныжым, ўнғышылыкын түсшым да языкыш пурыде илаш туныктышым ыштен, сандене тый ўнғышылыккет дене – күшнысым, йорлылыккет дене поянлыкым погенат. Святой Никифор ачана, мемнан чоннам утарыже манын, Христос Юмым сөрвале.

Кондак, глас 1

Никифор ачана, куанен мурен, патриарх-влак тыйын нерген святой шарнымашым пайремлат, вет капетым кондымо дене чонетат тышке толын, сандене кугун пагалыме Черке Христос Кугыжам чапландара да Тудым, Иктым, Айдемым йоратышым, мокта.

## Величание

Тыйым моктена, тыйым моктена, святитель Никифор ачана, да тыйым пагален шарнена, вет тый мемнан верч Христос Юмынам сөрвалет.

**14/27 Преподобного Венедикта Нурийского (543).**

№49 Тропарь, глас 8

Преподобный Венедикт ачана, мыланна Юмын пуымо түс тый денет түрыс аралалтын: вет шке Ыресетым налын, тый Христос почеш каенат да, пытышаш капым коранден, колыдымо чон верч тыршаш пашат дене туныктенат, сандене тыйын шўлышет Суксо-влак дене пырля куана.

Кондак, глас 6

Венедикт ачана, Юмын порылыкшо дене пойдаралтын, шке пашат дене лўметым сулен, Христос Юмылан йорышө лийынат. Пўтым кучен, молитвам лудын, Юмын Шўлыш дене темынат, черле-влакым паремдыше, тушман-шамычым поктен колтышо да мемнан чонлан вашке полшышо лийынат.

## Величание

Поро пиалан улметым моктена, Юмылан йорышө Венедикт ачана, тыйым пагален шарнена, вет тый монах-влакым виктарыше да суксо-влак дене мутланыше улат.

**15/28 Мученика Агапия и с ним семи мучеников: Пуплия, Тимолая, Ромила,  
двух Александров и двух Дионисиев (303).**

№ 60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене мемнан чоннам утаре.

№62 Кондак, глас 8

Юмын орланышыже-влак, волгыдын волгалтарыше лийын, орыктарыше пашада дене чыла чонаным волгалтареда, черым паремден да пич пычкемышым поктен колтен, мемнан верч Христос Юмым чарныде сөрвалыза.

## Величание

Тендам моктена, тендам моктена, Агапий да тудын пелен орланыше святой-влак, да Христос верч орланымыдам пагален шарнена.

**16/29 Мученика Савина (287).**

## №60 Тропарь, глас 4

Господь, Тыйын орланышет Савин индыралтмыж верч Тый дечет, мемнан Юмына деч, курымашлык венецым налын: орландарыше-влакым Тыйын пуымо виет дене сұмырал шуэн да ия-влакын тептердыме ўчыштым шалатен. Тудын молитваже дене мемнан чоннам утаре.

## Кондак, глас 2

Кӧргышет Юмым нумалше Савин, Юмын куштым кушкыл, лывыжгыдыме пеледыш, шуко саскан вондер, тыйым ўшан дене шарныше-влакым шкендын йывыртмашет дене теме да мемнан верч чарныде кумал.

## Величание

Тыйым моктена, тыйым моктена, святой орланыше Савин, да Христос верч орланыметым пагален шарнена.

**17/30 Преподобного Алексия, человека Божия (411).**

## Тропарь, глас 4

Поро пиалан Алексей, порылык кўкшытыш нӧлталтын да ушетым эрыктен, шке шўм-чон шонымашкет шуынат, илышетым яндарлык дене сӧрастарен, алал чон дене пўтым кучен, молитваште капдыме суксо гае лийынат да тўняште кече семын волгалтынат.

## Кондак, глас 2

Юмын енге Алексей, ача-ава суртым коден каен, тушко кўчызӧ семын пӧртылынат, колымекет чап венецым налын, суксо ден енг-влакым куандарен, мландымбалне ӧрыктарыше лийынат.

## Величание

Поро пиалан улметым моктена, Юмылан йӧрышӧ Алексей ачана, тыйым пагален шарнена, вет тый монах-влакым виктарыше да суксо-влак дене мутланыше улат.

**18/31 Святителя Кирилла, архиепископа Иерусалимского (386).**

## №43 Тропарь, глас 4

Вашталташ лийдыме Чынлык тыйым шке кўтўэтлан ўшанымашын корныжым, ўнгышылыкын тўсшым да языкыш пурыде илаш туныктышым ыштен, сандене тый ўнгышылыккет дене – кўшнысым, йорлылыккет дене поянлыкым погенат. Святой Кирилл ачана, мемнан чоннам утарыже манын, Христос Юмым сӧрвале.

## Кондак, глас 1

Кугу уш-акылан ачана, Юмын пуымо шўлышан мутет дене тый шке калыкетым волгалтаренат, тўсшӧ дене Кумытло, пўртўсшӧ дене шелалтдыме Иктак улшо Троицым пагалаш туныктенат, тидлан куанен, тыйын нерген святой шарнымашым пайремлена да мемнан верч Юмым сӧрвалаш йодына.

## Величание

Тыйым моктена, тыйым моктена, святитель Кирилл ачана, да тыйым пагален  
шарнена, вет тый мемнан верч Христос Юмынам сөрвалет.